



漆彫開

唐宋至
今從祀

叙曰治非賢不康士非表不達夫子許由賜求三賢
從政所以表賢而康治也其使開也猶夫使三子也
乃開獨辭焉何哉工良而製錦能操而使割務知遠
者大者而進柄國用開之志然也蓄遠而舒貯廣而
發亢蹟騰聲意在弘效用耳與仕不受粟獨行絕俗
者其意異矣嗚呼夫子說開辭仕不與憲辭粟也其
亦因材而篤之教與

家語漆彫開蔡人字子若少孔子十一歲

史記古
史同

辛酉
周景王五年

魯昭公
二年

漆彫開生於蔡

少孔子
十一歲

丑丁 周景王二十一年魯昭公十八年漆雕開十七歲

按弟子傳曰漆雕哆曰漆雕徒父皆與開同姓氏者其亦猶三公西五冉八顏同學孔氏者乎然開少孔子十一歲其齒最長其從學必先群弟但無史傳明徵耳

申丙 周敬王十五年魯定公五年漆雕開三十六歲

漆雕開習尚書不樂仕進見聖蹟

按尚書孔壁中安國所定為古文伏生所授為今文世傳百兩篇出東萊張霸是偽書也漢成帝出其書

丑辛 周敬王二十年魯定公十年漆雕開四十一歲

子使漆雕開曰子之齒可以仕矣時將過子若報其

書曰吾斯之未能信夫子說焉朱子曰曾點開潤漆雕開深穩

問開未可仕孔子使之仕何也程子曰據他說這言語自是仕有餘如由也志欲為千乘之國孔子止曰

可使治其賦求也欲為邦孔子止曰可使為之宰由求之徒豈止如此聖人如此言便是優為之也

戌壬 周敬王四十一年魯哀公十六年漆雕開六十二歲

夏四月孔子卒

墨子刺其形殘孔叢子曰漆雕開形殘非行已之致

何傷於德哉

漢志儒家十三篇孔子弟子漆雕啟後韓非子儒分為八有漆雕氏之儒

贊曰

仕進之道 要在究習 具臣而居 咎欲誰執

斯未能信 謙以有立 闕里悅之 多士莫及

司馬耕

唐從祀名司馬牛宋改司馬耕今亦作耕

叙曰詩稱兄弟式相好無相猶其柳下惠司馬牛之謂乎夫牛之賢德不及下惠向魍叛君逼兄罪浮於跖多矣乃牛之奔陳也陳成子晉魍不晉牛豈好惡拂人性哉魍為叛臣成本逆賊氣味相投猶磁石引鐵然者牛則若水火矣及適吳吳人惡之宰詬專妬亦復成子之類也不堪家難死葬丘輿余是以悲司馬牛不善學柳下惠也悲夫

家語司馬黎耕

一無黎字

宋人字子牛牛為性躁好言語是

兄桓魋行惡牛常憂之

史記司馬耕字子牛牛多言而躁問仁於孔子孔子曰仁者其言也認云云問君子子曰君子不憂不懼云云

丙午

周敬王二十五年

魯定公十五年卒哀公立

是年孔子過宋與弟子習禮大樹下桓魋欲害之援其楸孔子微服過宋

司馬牛憂曰人皆有兄弟我獨亡子夏云云君子何患乎無兄弟也

司馬問仁於孔子子曰云云

問君子子曰云云

庚申

周敬王三十九年

魯哀公十四年

宋桓魋寵害於公公使夫人驟享將討之夫人景未公母也及魍先謀公公知之告皇野曰余長魍也皇野司馬

子仲今將禍余請即救司馬子仲曰不得左師不可
向巢也請以君命名之至公告之故曰所難子者上
有天下有先君對曰黓之不共宋之禍也敢不唯命
是聽司馬請瑞馬命其徒攻桓氏子頎騁而告桓司
馬子頎向黓遂入於曹以叛六月使左師巢伐之不巢
能克黓恐公怒欲得國不能亦入於曹氏叛之向黓
奔衛向巢來奔司馬牛致其邑與珪馬而適齊牛桓
也珪守向黓出於衛地公文氏攻之公文子求夏后
氏之璜馬與之他玉而奔齊陳成子使為次卿司馬
牛又致其邑而適吳吳人惡之而反趙簡子召之陳

成子亦召之卒於魯郭門之外阬氏塋諸丘輿阬氏
季本曰向黓之亂司馬牛常憂之夫子有內省不疚
之訓矣又以無兄弟為憂子夏又廣之夫牛之高節
人所樂與何以在宋留巢不留牛適吳又為吳人所
惡豈吳人所尚異與不然牛之敬而無失恭而有禮
者容有未至耶此亦牛之尚有
疚子夏之言或切中其病也與

贊曰

手足甚親

志異出處

黓將為亂

子乃脫去

在污能潔

危而有慮

內省若斯

何憂何懼

又

仁遠乎哉

其言也訕

虜往實歸

耽思勞訊

遠難迷邦

奚虞悔吝

疏爵丁辰

寵名以峻

樊須唐從祀名樊遲自宋至今改名樊須

叙曰聖門之教先俎豆後軍旅尚矣然六藝射居其一則兵非聖教所諱也故子路願盪三軍有若與徒卒吳兵夜徙志亦壯哉齊師之及清也邴洩顏羽先奔而冉有樊遲用矛入齊師獲其甲其視右師勇怯何如哉求也藝固隨試輒效而遲也初學稼圃繼從舞雩乃今敷勇敢憤獻馘奏功文事武備可謂兼之矣豈不賢哉

家語樊須魯人字子遲少孔子四十六歲一作三弱仕十六歲

於季氏弱早年也

史記樊須字子遲少孔子三十六歲

漢書古今人表樊遲智人上下等古史與史記同

丙戌 周敬王五年魯昭公二十七年樊遲生於魯

子庚 周敬王十九年魯定公九年樊遲十五歲

樊遲請學稼云云子曰小人哉云云焉用稼

蘇子曰樊遲學為農圃蓋將與民並耕而食此孟子所謂許行之學也孟子曰有大人之事有小人之事以百斛之不易為已憂者農夫也孔子所謂樊遲小人也

辛丑 周敬王二十年魯定公十年樊遲十六歲時孔子為魯司寇

孟懿子問孝子曰無違樊遲御子告之曰孟孫問孝

於我云云祭之以禮

程子曰卜其宅兆卜其地之美惡非陰陽所謂禍福者地之美者其神靈安其子孫盛若培擁其根而枝葉茂理固然也地之惡者反是祖父子孫同氣彼安則此安彼危則此危亦其理也

眉山劉氏曰虞者既葬返哭而祭也傳註謂天子九虞以九日為節諸侯七虞以七日為節大夫五虞三日由是言之自春秋末世大夫僭用諸侯七虞之禮矣後代循習莫究其義而世俗遂以親亡以後每七日必供佛飯僧以為是日當於地府見其王者吁古人七虞之說乃如是哉

郊祭

周敬王二十二年

魯定公十二年

樊遲十八歲

樊遲問於孔子曰鮑牽事齊君執正不撓可謂忠矣而君則之其為至闇乎子曰古之士國有道則盡忠以輔之國無道則退身以避之今鮑莊食於淫亂之朝不量主之明暗以此受大刑是智之不如葵葵猶

衛其足

蔡頌葉隨日轉故曰能衛足

魯成公十七年齊慶克通於靈公夫人鮑牽知之以書國武子相靈公以會於諸侯伐鄭高無咎鮑牽守及公還將至高鮑閉門索客以備夫人辭之曰高鮑將不納君而立公子角遂別鮑牽是○夫人靈公母声孟子

丁

周敬王三十六年

魯哀公十一年

樊遲三十二歲

孔子是年自衛反魯

樊遲仕於季氏齊伐魯及靖武叔蒐乘舟求師左師樊遲為右季孫曰頃也弱冉求曰年雖少能用命馬師及齊師戰於郊齊師自稷曲師不踰溝樊遲曰非不能也不信子也請三刻而踰之如之衆從之遂入齊師獲甲首八十

左傳

薛應旂曰發運諸學錄國雖是於極典過齊兩
刻入蓋切已近實非迂遠而則於事無補也

經周敬王四十一年魯哀公十六年藝述三十七歲

夏四月孔子卒

藝述山額有若月衡及宇附額是謂和真語精

贊曰

養才以道 聖人其濟 始謂不仁 陶鮑良喜

廣必震園 以朕仁義 海濠之解 婁姑舍是

又

德優多任 齒於家陪 裁事為務 警眾靡回

贊曰 仁如陸該 建德遠來 垂裕方來

有若唐宋至今 俱從祀

叙曰孔子没子夏子游子張欲事有若以孔子禮凡
以其言動氣象似夫子故也即以夫子之禮事之豈
不擬非其倫哉語稱強識好古道仰嘆孔子生民未
有其尊夫子至矣乃偃然居其座已又使避之一予
一奪若優儒然曾是游夏數子為之乎馬遷好誣其
矣然陸象山曰夫子之言簡易有子之言支離乃知
曾子獨觀其深宜乎不可二三子之疆也

家語有若魯人字有若一字少孔子三十六歲為人強識
好古道

史記有若少孔子十三歲正義少孔子三十六歲不同有若曰禮之

用和為貴云云又曰信近於義云云孔子既没弟子思

慕有若狀似孔子相與並立為師師之如夫子時也他

日弟子進問曰昔夫子當行使弟子持雨具已而果雨

云云詳見巫馬施考他日月宿畢竟不雨商瞿年長無子其母

為娶室孔子使之齊云云見瞿考已而果然敢問夫子何

以知此有若默然無以應弟子起曰有子避之此非子

之座也

漢書古今人表有若智人上下等古史有若少孔子四十三歲

周敬王五年魯昭公二十七年有若生於魯少孔子三十六歲

戊丙

子庚

周敬王十九年魯定公九年有若十五歲

有子惡卧而焯掌可謂能自忍矣未及好也荀子焯灼也

惡寢卧而焯其掌若刺服然可謂能自忍其身未及善射好思者也思道之至人則無寢焉用焯掌

有若問曰國君之於百姓如之何子曰皆有宗道焉

故雖國君之尊猶百世不廢其親所以崇愛也雖於

族人之親而不敢戚君所以謙也家語

寅申

周敬王三十三年魯哀公八年有若二十九歲

春吳師伐魯次於泗上微虎魯大夫欲宵攻王舍私屬

徒七百人三踊於幕庭卒三百人有若與焉吳子聞

之一夕三遷

洪容齊曰三代而上列國將軍皆命卿然此謂將師耳乃若卒伍之賤雖賢士亦為之哀公特吳伐魯有若與焉杜預云卒終也謂於七百人中終得三百人任行也此蓋后世所營劫寨之類而有若亦為人齊伐魯季孫曰須也弱冉子曰能用命冉有命予於齊師故能入其軍杜預云言能以義勇也皆孔門高弟而親卒伍之事

何氏曰此必有子少壯時事其勇可知矣

申庚周敬王三十九年魯哀公十四年有若三十五歲

哀公問於有若曰年饑用不足如之何有若對曰盍

徹乎云云君孰與足

陸賈曰有若對曰盍徹乎蓋損上而歸之於下則忤於耳而不合於意遂逆而不用也此所謂正其行而不苟合於世者也有若豈不知阿哀公之意為益國之義哉夫君子直道而行知必屈辱而不避也故行

不苟合言不苟容雖無功於世而名足稱也雖言不用於國家而舉措之言可法也

壬戌周敬王四十一年魯哀公十六年有若三十七歲

夏四月孔子卒

丑乙周敬王四十四年魯哀公十九年有若四十歲

孔子沒他日子夏子張子游以有若似聖人欲以所事孔子事之彊曾子曰不可

陸象山常言年十三時復齊因看論語命某近前問云看有子一章如何某云此有子之言非夫子之言也先兄云孔門除却曾子便到有子未可輕議更思之如何某曰夫子之言簡易有子之言支離容齊隨筆曰史記有若傳此兩事殆近於星曆卜祝之學何足以為聖人而謂孔子言之乎有若不能知何所加損而弟子遽以是斥退之乎孟子稱曾子不可但言江漢秋陽不可尚而已未嘗深詆也論語記

諸善言以有子之言為第二章在曾子之前使有避
座之事弟子肯如是哉禮子載有子闢曾子喪欲速
貧死欲速朽兩語以為非君子之言又以為夫子有
為言之子游曰甚哉有子之言似夫子也則其為門
人所敬久矣世所圖七十二賢畫像
有若遂與孔子畧等此又可笑者也

曾子道孔子之言曰喪欲速貧死欲速朽有子曰是
非君子之言也曾子曰參也與子游聞之夫子有子
曰然則夫子有為言之也曾子以告子游子游曰甚
哉有子之言似夫子也昔者夫子居於宋見桓司馬
為石擲三年不成夫子曰若是其靡也死不如速朽
之愈也死之欲速朽為桓司馬言之也南宮敬叔反
必載寶而朝夫子曰若是其貨也喪不如速貧之愈

也喪之欲速貧為敬叔言之也曾子以告有子有子
曰然吾固曰非夫子之言也曾子曰子何以知之有
子曰夫子制於中都四寸之棺五寸之槨以此知不
欲速朽也夫子失魯司寇將之荆先之以子夏申之
以冉有以此知不欲速貧也

悼公之母死哀公為之齊衰有若曰為妾齊衰禮與
公曰吾得已哉魯人以妻我

孔氏曰唯大夫貴妾總天子諸侯絕旁期於妾無服
哀公為妾服齊衰以有若之譏遂文其過云吾豈得
休已而不服之乎是雖妾魯人以我
無夫人皆以為我妻故不得不服也

載糧有子曰非禮也喪奠脯醢而已

雜記遺奠之
饌無黍稷

有子蓋既祥而絲履組纓

檀弓

方氏曰以絲為履之飾以組為冠之纓服之吉者也而有子服之於既祥失之早矣既祥之履如之何曰徹絢既祥之纓如之何曰用素有子孔門高弟而失禮若是疑或不然故曰蓋焉

有若曰舜鼓五絃歌南風之詩而天下治

韓非子

甲戌周貞定王二年魯悼公元年有若四十九歲

門人記曾論

程子曰論語之書成於有子曾子之門人故其書獨二子以子稱之楊氏曰論語乃有子之徒所記首篇記有子之言不止一二章有子尚為曾子所不可而况其徒乎其所以記亦難盡信子以四教文行忠信此記者之辭耳非孔子之言也孔子曰行有餘力則以學文而記者冠文於首見識又不逮於有子矣

甲申周貞定王十二年魯悼公十一年有若五十九歲

有若之喪悼公弔焉子游擯由左

檀弓

吳氏澄曰按雜記泄柳之母死相者由左泄柳死其徒由右相泄柳賢人知禮也其徒非能如泄柳之知禮故從時俗之失禮而由右相

方氏曰凶事尚右子游為擯面由左尚右故也

按孔子卒時有若年三十七歲又越十一年而魯悼公立有若之喪悼公弔焉可見卒在悼公之世但悼公在位二十七年未知有若卒在初年

薛應旂曰有子不足以當夫子固也若速貧速朽之言蓋可以理達者也其諸瑣屑之間信有之亦夫子之餘事而非夫子所先也此何足以為有若輕重乎

贊曰

人稟秀德 氣貌或同 而子儼然 溫溫其容
兩端發問 未啟機鋒 以禮節和 斯言可宗

公西赤 唐宋至今俱從祀

叙曰周衰士會問殺蒸藉談忘祖典禮樂不講久矣
於時循理者見侮於世僭溢者謂之顯榮其能隆禮
由禮被服於成俗乎乃公西華志先禮樂才優擯相
結言脩會惠顧前好雍雍乎賓禮洽矣視諸僖子病
不能相何如也及孔子沒華識掌殯塋備三代大夫
之制崇古厚終禮先其大又如此嗟夫隆師以厚賓
客以敬稱情而為文公西華之於禮也其合矣乎
家語公西赤魯人字子華少孔子四十二歲束帶立朝
閑賓客之儀

史記公西赤字子華少孔子四十二歲子華使於齊云云君子周急不繼富

漢書古今人表公西華智人上下等

周敬王十一年魯定公元年公西赤生於魯

周敬王二十五年魯定公十五年公西華十五歲

子曰公西華之養親也若與朋友處然恩勝禮也

公西華曰由也問聞斯行諸云云赤也惑敢問子曰

求也退故進之云云

周敬王三十二年魯哀公七年公西華二十二歲

子曰經禮三百可勉能也威儀三千則難也言經禮三百可

丑癸

午丙 辰壬

勉學而能之威儀三千則難而未能躬行之公西赤問曰何謂也子曰貌以擯禮禮以擯辭是謂難焉擯導也言為相者當觀禮而擯相其辭度事制儀故難能之眾人聞之以為成也孔子語人曰當賓客之事則達矣成猶成人之成以孔子稱赤遂儀則達於治國之大體則未達也尸子曰仲尼儀服不脩則以公西華侍子曰吾以子自厲也

周敬王三十六年魯哀公十一年公西華二十六歲

公西赤曰聞諸太甲居喪行不義同稱君何也子曰君子於人計功除過太甲即位不明居喪之禮于冢

巳丁

宰之政伊尹放之憂思三年追悔前愆起而復位謂之明王以此觀之雖四於三王不亦可乎

又曰大夫以罪免卒其葬也如之何子曰大夫廢其事終身不仕死則葬之以士禮老而致仕者死則從其列家語

子貢曰齊莊而能肅志通好禮擯相兩君之事篤雅有節是公西赤之行也

子華使於齊冉子為其母請粟云云

按禮人臣無外交孔子為司寇時子華方年十二歲決無使齊之理其必夫子歸魯之後然後使子華於齊耳但是時孔子致仕家食不知冉有請何粟與之

庚申

周敬王三十九年魯哀公十四年公西華二十九歲

是年秋八月孟懿子卒子武伯立

孟武伯問曰赤也何如子曰赤也束帶立於朝可使與賓客言也不知其仁也

孔子謂門人曰二三子之欲學賓客之禮者其於赤也

壬戌

周敬王四十一年魯哀公十六年公西華三十一歲

夏四月孔子卒

孔子之喪公西赤為志治喪備三代之制尊師且備古也

贊曰

學者行道

敝楹亦稱

使齊光華

偶為肥輕

周急之言

君子所令

答問允嚴

理著先經

又

翊聖賢者

往來之英

讓言小相

終成大名

立朝儒雅

出使光榮

左右禮法

諸侯作程

巫馬施

唐宋從祀名巫馬期今改巫馬施

叙曰書稱自用則小用人則大子期之於子賤大小

何相懸也蓋單父治同而較功量力其治則異子賤

任人者也子期任力者也任人者鳴琴而治逸任力

者戴星而治勞觀於民不忍欺與不敢欺畏愛迥別

矣然人豈易任哉鑑誠空不可欺以研姪衡誠平不

可欺以輕重君子誠知不可欺以邪正能哲而知人

則官人安民有餘及矣而於單父乎何有

家語巫馬期

史記作施

陳人字子期少孔子三十歲孔子將

行命從者皆持蓋云云

見聖蹟

史記巫馬施字子旗少孔子三十歲陳司敗問孔子曰
魯昭公知禮乎孔子曰知禮云云臣不可言君親之惡

為諱者禮也孔安國曰諱國惡禮也聖人之道弘故受之以為過

漢書古今人表巫馬期智人上下等古史與史記同

庚辰周景王二十四年魯昭公二十一年巫馬期生於陳

丙申周敬王十五年魯定公五年巫馬期十七歲

是時孔子脩詩書禮樂弟子至自遠方受業者彌衆巫馬施陳人從學其必此時乎餘俱同此

丁未周敬王二十六年魯哀公元年巫馬期二十八歲是年孔子在陳

巫馬期與子路薪於韞丘之下陳之富人處師氏脂車百乘觴於韞丘之上子路與期曰使子無忘所知

亦無進所能得此富終身無復見孔子子為之乎期

喟然嘆曰云云詳見聖蹟

己未周敬王三十八年魯哀公十三年巫馬期四十歲

季子治亶父三年而巫馬期纔衣短褐易容貌觀化

焉見得魚釋之巫馬期問曰凡子所為魚者欲得也

今得而釋之何也漁者對曰季子不欲人取小魚也

所得者小魚是以釋之巫馬期歸以報孔子曰季子

之德至矣使人聞行若有嚴刑在側季子何以至於

此孔子曰丘嘗與之言曰誠於此者刑於彼季子必

行此術也淮南子

薛應旂曰堯舜之仁不徧愛人急親賢也是治天下必以任人為先也若宰一邑則十室之忠信恐或不

能均知而陽晝之所謂陽橋者難保其必無也期與子賤亦可為善學柳下惠者矣

夏四月孔子卒

贊曰

天清日月 密雨曷有 師命持蓋 子亦善扣

惟夫子博 三才允究 學者之樂 所得遂茂

又

英英子施 受天和氣 名登魯堂 位沉周季

剛克戴星 庇民為治 讓德進封 垂芳永世

梁鱣 居宋至 今從祀

家語梁鱣 一作鯉 齊人字叔魚少孔子三十九歲

史記梁鱣字叔魚少孔子二十九歲 古史同

周敬王八年 魯昭公三十年 齊景公三十五年 梁鱣生於齊

周敬王三十七年 魯哀公十二年 梁鱣三十歲

是年梁鱣未有子欲出其妻商瞿謂曰子未也昔吾

年三十八無子吾母為吾更娶室夫子使吾之齊母

欲請留吾夫子曰無憂也瞿過四十當有五丈夫子

今果然吾恐子自晚生耳未必妻之過也從之居二

年而有子

己丑戊午

戊壬 周敬王四十一年魯哀公十六年梁鱣三十四歲

夏四月孔子卒

贊曰

室家壯年 無子則逐 見於信史 全齊之俗

原本厥初 師言可復 以學則知 揆之宜篤

又

玄聖舊邦 森然精爽 於惟子魚 式瞻遺像

紀號停鑿 侯封錫壤 儒道有光 百王所仰

顏辛

叙曰禮以飾情數以辨分上下不踰久矣天子諸侯之喪楯車設撥禮也大夫無楯則無撥魯三臣用之僭矣昔史佚之子下殤也途遠衣棺以葬乃周公命之焉耳夫孺子不得設諸侯之撥猶下殤不可用成人之衣冠其制一也孺子而擬於諸侯則踰分矣有若之可既不協周公之典而子柳之諫乃直正三臣之非子柳正諫周禮猶秉魯也而有若許其可豈講禮之學有未精耶

家語顏辛魯人字子柳少孔子四十六歲一作顏辛

史記顏幸字子柳少孔子四十六歲鄭玄曰魯人古史同

漢書古今人表顏柳智人上下等

按祀典唐開元時杜氏通典載顏柳贈蕭伯及宋真宗時封蕭伯顏辛為陽穀侯王肅家語亦名顏辛而史記古史何孟春皆云顏辛未審何據

周敬王十五年魯定公五年顏辛生於魯

周敬王四十一年魯哀公十六年顏辛二十七歲

夏四月孔子卒

孺子贛之喪哀公欲設撥問有若曰其可也君之三臣猶設之顏柳曰天子龍輅而柳幃諸侯輅而設幃為榆沈故設撥三臣者廢楯而設撥竊禮之

不中者也而君何學焉子擅

按贛魯哀公少子撥以撥發榆汁洒于道使輅車滑而易行哀公欲設撥有若以三家為比顏柳以三家之設為非蓋天子諸侯之殯以輅車之重也故為榆沈以滑之欲榆沈之散也故設撥以發之無輅則無用沈無沈則無用撥三臣既知輅之可廢而不知撥之不可設是竊取禮之不中者故顏柳成哀公之勿學也

贊曰

孰封於蕭 實惟子柳 夙飶格言 克遵善誘

明德斯馨 賢業所就 以侑於儒 傳芳愈茂

冉孺唐從祀名冉孺宋改冉孺今改冉孺

家語冉孺史記作孺魯人字子魚一作少孔子五十歲

史記冉孺字子魯一作少孔子五十歲古史同

子庚 周敬王十九年魯定公九年冉孺生於魯

戊壬 周敬王四十一年魯哀公十六年冉孺二十三歲

夏四月孔子卒

贊曰

紀伯子魯 惟學是務 厲已斯約 好問乃裕

周旋中規 容止可度 允矣昔賢 後世所慕

又

聖人之道 一以貫之 允矣子魯 堂奧斯窺

惟帝登岱 克陳上儀 追封侯杜 沂水之湄

曹卹唐宋至今俱從祀

家語曹卹字子循少孔子五十歲史記古史同

子庚 周敬王十九年魯定公九年曹卹生

戊壬 周敬王四十一年魯哀公十六年曹卹二十三歲

夏四月孔子卒

贊曰

肅肅曹伯

王室之裔

積習樂道

切磋明義

性善則主

爾德是類

史筆有煥

今名末紀

伯虔

唐宋至今俱從祀

家語伯虔字楷

一字少

孔子五十歲

何孟春曰魯人

史記伯虔字子析少孔子五十歲

古史同

子庚

周敬王十九年

魯定公九年

伯虔生於魯

壬戌

周敬王四十一年

魯哀公十六年

伯虔二十三歲

夏四月孔子卒

贊曰

有懷子析

全魯之彥

儒行既名

聊伯乃達

兢兢受道

奕奕裁弁

懿選嘉封

世享馨薦

又

肅肅魯堂

侁侁闕里

伯氏達者

克肖夫子

運偶慶成

禮崇追美

後學式瞻

高山仰止

公孫龍唐宋至今從祀俱名公孫龍即公孫尼子

叙曰按鄭玄稱龍楚人莊子云堅白之談即此余竊以為不然考諸家語孔子夢奠龍年二十下距平原君孔子高辨堅白同異時一百七十餘年龍之壽能至是耶夫公孫龍即子尼也著樂記緇衣等篇當時親承聖教故其書粹然無疵如此若堅白之龍辭勝理矣孔叢子稱為平原君客戰國策註稱趙人豈同姓名如公孫弘者乎斯言得之矣

禮記緇衣公孫尼子所作或云即龍也

沈約曰樂記取公孫尼子文選註引之

家語公孫龍一作龍衛人字子石少孔子五十三歲

史記古史同

漢書古今人表子石中上等

周敬王二十二年魯定公十二年衛靈公三十七年公孫龍生於衛

鄭玄及古史稱楚人未知孰是

周敬王三十六年魯哀公十一年公孫龍十五歲

田常將為亂欲移兵伐魯孔子會諸弟子告曰魯父

母之國不可不救二三子誰為使子石請行孔子弗

許

按稱子石公孫龍字據少孔子五十三歲在之時子石年纔一十五歲宜夫子不許之行也

巳丁 卯癸

戊王周敬王四十一年魯哀公十六年公孫龍二十歲

公孫尼子曰孔子有病哀公使醫視之曰子居處飲食如何孔子曰春居葛籠夏居密陽秋不風冬不煬飲食不遺飲酒不勤曰是良藥也

夏四月孔子卒

公孫尼子作緇衣篇今書其畧

子曰好賢如緇衣惡惡如巷伯則爵不瀆而民作愿刑不試而民咸服子曰夫民教之以德齊之以禮則民有格心教之以政齊之以刑則民有遜心故君民者子以愛之則民親之信以結之則民不倍恭以涖

之則民有孫心

孫音遜

子曰下之事上也

不從其所令從其所行上好是物下必有甚者矣故上之所好惡不可不慎也是民之表也子曰禹立三年百姓以仁遂焉豈必盡仁子曰上好仁則下之為仁爭先人故長民者章志貞教尊仁以子愛百姓民致行已以說其上矣子曰王言如絲其出如綸王言如綸其出如紼故大人不倡游言可言也不可行君子弗言也可行也不可言君子弗行也則民言不危行而行不危言矣

子曰君子道人以言而禁人以行故言必慮其所終

而行必稽其所敝則民謹於言而慎於行子曰為上
可望而知也為下可述而志也則君不疑於其臣而
臣不惑於其君矣子曰政之不行也教之不成也爵
祿不足勸也刑罰不足耻也故上不可以褻刑而輕
爵子曰大臣不親百姓不寧則忠敬不足而富貴已
過也大臣不治而適臣比矣故大臣不可不敬也是
民之表也適臣不可不慎也是民之道也君母以小
謀大母以遠言近母以內圖外則大臣不怨適臣不
疾而遠臣不蔽矣子曰小人溺於水君子溺於口大
人溺於民皆在其所褻也夫水近于人而溺人德易

狎而難親也易以溺人口費而煩易出難悔易以溺
人夫民閉于人而有鄙心可敬不可慢易以溺人故
君子不可不慎也子曰言從而行之則言不可飾也
行從而言之則行不可飾也故君子寡言而行以成
其信則民不得大其美而小其惡子曰南人有言曰
人而無恒不可以為卜筮古之遺言與龜筮猶不能
知也而况於人乎

公孫尼子曰多食甘者有益于肉而骨不利多食苦
者有益于骨而筋不利多食辛者有益于筋而氣不
利

又曰心者衆知之要物皆求於心

又曰道為知者設賢為聖者用

又曰人有三百六十節當天之數也形體有骨肉當

地之厚也有九竅脉理當川谷也血氣者風雨也

向孟春言七十子有公孫尼子作樂記緇衣程敏政論從祀不及尼子何也或曰尼子即龍也吾學編

漢志儒學二十六篇七十子之弟子

隋志一卷似孔子弟子隋志近是

贊曰

黃伯著祀 公孫是云 彌逢中道 協輔斯文

藏脩方異 漸漬甚勤 史詞不忘 播為清芬

又

子石鉅賢 探微博古 稟粹荆衡 從師鄒魯

令聞不已 儀形斯覩 展義疏封 遂荒故土

太史公曰自子石以右三十五人頗有年名及受業

聞見於書傳其四十有二人無年及不見書傳者紀

於左

索隱曰家語比例唯有三十七人其公良孺秦商顏刻叔仲會四人家語有事跡史記闕然自公伯僚秦冉鄒單三人家語不載而別有琴牢陳亢縣亶當此

三人之數皆互有也如文翁圖所記又有林放蘧伯玉申棧申黨俱是後人以

所見增益今殆不可考也

蘇子由曰孔子弟子七十七人史記公孫龍以上四

人又孔弗一人事見宓不齊傳凡四十人其餘無年

通考卷十一
及不見書傳者
凡三十七人

聖門通考卷十一終

